

سنه لکی در سعادت ایچون مجیدیه
یکرمی غروش حسابیله التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ٤٠ پاره در

فکرانک محاکمات

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلانانک بهرنندن بر مجیدیه اخذ
ایدیلور

نسخه سی ٤٠ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

توضیحات

وظیفه مودوعه سنی حسن ایفا ایتمکده اولمسنه مبنی
بغداد ولایتی استیناف محکمه سی مدعی عمومی سی
رفعتلو عبده حامی افندی به مجدداً رتبه ثالثه توجیه
بیورلشددر.

محاکمات مقبره لک

محکمه تمیز استدعا دائره سندن تنظیم واعطا
قلنان اعلامدر :

خداوندکار ولایتی استیناف محکمه سی جزا
دائره سندن تنظیم واعطا قلوب مدت قانونیه سی ظرفنده
ولایت مذکوره اورمان سر مفتشی جانبندن تمیزاً
تدقیق استدعا اولنان ١٥ مارت سنه ٣٢٣ تاریخی
اعلام واوراق متفرعه سی باش مدعی عمومیک مأموریت
بهیه سنک ٢٩ مایس سنه ٣٢٣ تاریخی تبلیغنامه سی
ایله محکمه تمیز استدعا دائره سنه تودیع اولمغله قرائت
ومطالعه اولندی.

اعلام مذکور مندرجاتندن منظم اولدینی اوزره
میری اورمانندن بلا رخصت اغاج قطع ایتدکری
عند الحاکمه ثابت اولان محمد ومصطفانک اورمان
نظامنامه سنک اوتوز اوچنجی ماده سی حکمنه توفیقاً
اوتوز التی بیک بش یوز یدی غروش جزای نقدی
ایله محکومیتلرینه دائر ویریلان اعلام ابتدائینک
تصدیق متضمن غیباً لاحق اولان اعلام استینافی
علیه مرقومان طرفلرندن اعتراض علی الحکم
وقوعیله سبق ایدن محاکمه و تدقیقات وجاهیه
نتیجه سنده مستند ادعا اولان ضبط ورقه سنک خلافی
ثابت اولمش وقطعیات حقننده بر مبدأ دخی تعیین
ایدیله ماهش اولدیغنه و مرقومانک قطعیتده بولندقلری
صور سائر ایلده اثبات ایدیله مدیکنه بناء اعلام
ابتدائینک فسخیله مرقومانک برائتلینه قرار ویرلشددر.
لاحظه تمیزده مرقومانک فعل مدعا به مجاسرتلری

عندالحاکمه ابراز اولنان ضبط ورقه سی مندرجاتی
تصدیقاً وقوعبولان اقرارلریله متحقق اولدینی حالده
ورقه مذکورده نک متنبده اسامیسی مرقم شهودک
جلب واستماعیله تعمیق تدقیقات اولمقسنین خلافی
ثابت اولدینی بیانیله برائت قراری ویرلمی مغایر
قانون اولدیغندن بحکله اعلام استینافینک نقضی استدعا
ایدلشددر.

تبلیغنامه ده دخی مستند ادعا اولان سالف الذکر
ورقه ده محرر کسانک عدم استماعی حقننده درمیان
اولنان اعتراضک بحج اولدینی بیانیله اعلام مزبورک
نقضی لزومی کوسترلشددر.

ایجابی لدی المذاکره محکمه استینافیه جه حکم
ابتدائینک فسخی مستلزم اسباب قانونیه نک موجودیتی
تعین ایدیک صورتده اولاً حکم مزبورک فسخی
وایکنجی درجه ده لازم کلان تدقیقات استینافیه نک
اجراسی ایله کیفیتک قراره ربطی اصول محاکمات
جزائی قانوننک جمله احکامندن بولمش ایکن بو
مسئله نک تدقیقات استینافیه سی شو احکام قانونیه به
توفیق ومبرز ضبط ورقه سنده اسامیسی کوستریلان
شهودک تکرار جلبلریله تحقیقات حاضره توسیع وتعمیق
اولمقسنین اعلام مستأنف بهک فسخیله برابر برائت
قراری ویرلمی یولسز ومغایر قانون اولوب لایحه
تمیزیه ده مندرج اعتراضات بو صورتله وارد وبجا
کورنمش اولدیغندن اصول مذکورک اوچوز اون
دردنجی و اوچوز اون طقوزنجی ماده لری موجبجه
اعلام استینافینک نقضیه احکام قانونیه دائره سنده ایفای
معامله اولمق اوزره اوراق متعلقه سنک محکمه مذکوره به
اعاده سنه وایکی یوز غروش اعلام خرجک مستدعی
تمیز اورمان اداره سندن تحصیلده ١٠ ثمرین اول سنه
٣٢٣ تاریخنده قرار ویرلدی.

ابوغندن نام خاتونی قتل ایتدیک ادعا اولمسنندن
دولای جنایتله اتهام اولنان سلیمانک اون بش سنه
مدتله کورکه قونلسنه دائر حاکم سنجانجی بدایت

محکمه سی جزا دائره سندن ویریلان ١٥٣ نومرولی
اعلام

داودی قتل ایتدکری ادعا اولمسنندن دولای
جنایتله اتهام اولنان محمدک اون بش سنه مدتله کورکه
قونلسنه ورشیدک برائته دائر اذمید سنجانجی بدایت
محکمه سی جزا دائره سندن ویریلان ١٠ نومرولی اعلام
خلیل اوغلی محمدی قتل ایتدیک ادعا اولمسنندن
دولای جنایتله اتهام اولنان درویشک اون بش سنه
مدتله کورکه قونلسنه دائر قونیه ولایتی استیناف
محکمه سی جزا دائره سندن ویریلان ٣٠٥ نومرولی
اعلام

احمد بن خلیل قتل قصدیله جرح ایتدیک ادعا
اولمسنندن دولای جنایتله اتهام اولنان مصطفانک اوچ
سنه مدتله کورکه قونلسنه دائر کلیولی سنجانجی
بدایت محکمه سی جزا دائره سندن ویریلان ٢٩١
نومرولی اعلام

سکبان قریه لی احمدانک اشیاسنی سرقت ایتدیک
ادعا اولمسنندن دولای جنایتله اتهام اولنان احمدک اوچ
سنه مدتله کورکه قونلسنه دائر تکفورطانی سنجانجی
بدایت محکمه سی جزا دائره سندن ویریلان ٣٨٠
نومرولی اعلام

تخصیلدار حق افندینک ذخیره لری بولنان انبارک
دیوارینی آلت مخصوصه ایله دله رک ذخیره سرقت
ایتدکری ادعا اولمسنندن دولای جنایتله اتهام اولنان
مصطفی وشریف ورجبک اوچر سنه مدتله کورکه
قونلرینه دائر قرق کلیسا سنجانجی بدایت محکمه سی
جزا دائره سندن ویریلان ٦٠٦ نومرولی اعلام

فهم وفارسک تقود و اشیاسنی سرقت ایتدکری
ادعا اولمسنندن دولای جنایتله اتهام اولنان علی واحد
وحسنک دردر و خلیل ایله بللو محمدک اوچر سنه
مدتله کورکه قونلسنه دائر وان ولایتی استیناف
محکمه سی جزا دائره سندن ویریلان ٣٠ نومرولی
اعلام

سایمانی قتل ایتدیک ادعا اولمسنندن دولای
جنایتله اتهام اولنان احمد نام دیگر فرهادک اون بش

سنة مدته کورکه قونلئسنه دائر قره حصار صاحب سنجانی بدایت محکمه سی جزا دائره سندن ایکنجی دفعه اوله رق ویریلان ۶۷ نومرو لی اعلام کورقوری قتل ایتدیکی ادعا اولمئسندن دولانی جنایتله اتهام اولنان احمدک اون بش سنه مدته کورکه قونلئسنه دائر مرعش سنجانی بدایت محکمه سی جزا دائره سندن ویریلان ۲۳۴ نومرو لی اعلام

عنايه قریه لی حسنک معلوم المقدار شعبری عمداً احراق ایتدکلی ادعا اولمئسندن دولانی جنایتله اتهام اولنان جبر بن حسن وحسین عبید وموسی واسماعیل وموسی ومحمد بن علی واحد بن علینک اوچر سنه مدته کورکه قونلئسنه دائر قدس شریف سنجانی بدایت محکمه سی جزا دائره سندن ویریلان ۲۶۷ نومرو لی اعلام

محمد کھیا اوغلی احمدک خانه سی دیواری دله رک نقود واشیاسنی سرق ایتدکلی ادعا اولمئسندن دولانی جنایتله اتهام اولنان محمد ونحیب وخیلیک اوچر سنه مدته کورکه قونلئسنه دائر وحیدر عبداللهک برائیلر نه دائر جوروم سنجانی بدایت محکمه سی جزا دائره سندن ویریلان ۱۳۶ نومرو لی اعلام محکمه تمیز جزا دائره سنجه تصدیق قلمشدر .

درسمادت جنایت محکمه سندن تنظیم واعطا

قتلان اعلامدر :

اوچوز یکریمی اوچ سنه سی تموزینک یکریمی سکرینجی جمع ایرتسی کیجه سی بیوک آطه ده اسکله جوارنده صوتیرینک کیفیت جرح وقتلندن طولانی مظنون علیه اولان مذکور آطه ده اسکله جوارنده سمیدجی آرکرونک فرونده طبله کار یکریمی بش یاشنده مناسرتلی دیمتری ولد یورکی پاپاستریو اوغلنک جنایتله اتهامه دائر هیئت اتهامه دن لاحق اولان مضبطه واستیناف مدعی عمومیلکنک ۳۰ تشرین اول سنه ۳۲۳ تاریخ و ۴۷۶ نومرو لی اتهامه سی مع اوراق متفرعه محکمه جنایته تودیع قلمغله بالمطالعه تفصیلاتی اولیایده تنظیم ایدیلان ضبطنامه دن مستبان اوله جنی وجهله اصول محاکات جزائی قانوننک باب نایسنک فصل رایعنده محرر اولان معاملات ابتدائی بعد الاضا متهم دیمترینک اجرای محاکمه سی ضمننده تشرین ناینک یکریمی سکرینجی چهارشنبه کونی تعیین قلندی .

یوم مذکورده متهم توقیفخانه دن کتوردیلرک وکیلی ولادیمیر افدینک عدم ورودینه منی مهمک قبول وموافقیه وکیل تعیین قتلان واوراق دعوائی

بالمطالعه مدافعه مهیا ایدوکنی سولیان محکمه نزدنده مستخدم دعوی وکیللرندن آغوب افندی واستیناف مدعی عمومی معاونلرندن عزتلو بهجت بک حاضر اولدقاری حالد محاکمه علیه به مباشرت ومتهم ایله وکیلنه اخطارات قانونیه ایفا قلندقدن صوکره هیئت اتهامیه مضبطه سیله اتهامه مضبط کاجی سلیمان افندی طرفندن قرائت اولندی .

مذکور مضبطه ده مظنون علیه دیمترینک صوتیری نی بالتهور جرح وقتل ایلتش اولسندن طولانی اتهامه اوراق تحقیقه ده محرر دلائل وامارات کافی کورلش وحرکتی قانون جزانک یوز یمش دردنجی ماده سی حکمی مستلزم افعال جنائیه دن بولمش اولدیفندن بحثله جنایتله اتهامه قرار ویرلیدی محرر واتهامنامه ده دخی مرقومک مضطه مذکورده مندرجانی وجهله متهم بولندینی مسطر در .

اتهامنامه نک خلاصه سی جانب ریاستدن متهمه تفهیم وتوضیح ومعاون مومی الیه جانسندن دخی دعوانک تشریح اولمئسی معقب متهم سولیدرلرکده وقعه کیجه سی فرونک قافله سی محمد وچراق آرتین پروکار چراغی قلهاتی ایله فرون اوکنده اوطوروب قهوه ایچمه چی صروده قهوه سه طوز آلتش اولدیفنی اکلامغله کیمک آدیفنی صورده ده سولیه رک مرقومونک کولمکه باشلادقارنی وبونک اوزرینه قاربوز سرکیسندن قاربوز آله رق ینه فرونک اوکنده یمکده ایکن مقتول صوتیرینک قاربوزک اوستنه ده طوز آدیفنی کورمکه حدتله رک قاربوز کسیدی اوفق چاقی ایله قاربوزی صوتیرینک اوزرینه آتمسیه مرقومک آیاقلرندن قان آقغه باشلادیفنی درمیان ایلیدی .

علی هذا اوراق ماینده بولان ۲۸ تموز سنه ۳۲۳ تاریخی ضابطه عدلیه تقریری ایله مقتولک معاینه سی حاوی راپور اوقوتدرلیدی .

تقریرده تموزک یکریمی سکرینجی جمع ایرتسی کیجه سی ساعت ایکی قرارلرنده بیوک آطه ده اسکله جوارنده دیمترینک صوتیری نی جرح ایتدیکی خبر آلمغله محل وقعه به کیدلرکده صوتیرینک اجزاخانه به

کوتورلش ودیمترینک فرارایتمش اولدینی اکلاشلدینی وایرم ساعت صوکره دیمترینک دردست ایدیلرک عندالاستجواب قاربوزنه طوز آدیفندن طولانی النده بولنان چاقی ایله صوتیری نی قاصیغندن جرح ایتدیکی وآلت جرحه اولان چاقی دکره آدیفنی سولیدیکی اشعار قلمش وراپورده دخی صوتیرینک صول انشای مغنیسینده مشهود اولان جرحه عالیدن اسفله ووحشیدن انسی به متوجه ایکی ییق سانیتمترو طوانده بولنوب برآلت جارحه ایله وجوده کلدیکی

ووسط جرحه دن مقطوع برصورتده کوریلان اوعیه فخذیه دن وقوع بولان نرف آنی وکثیرک موته باعث اولدینی مندرج بولنشدر .

قرائت ایتدیریلان اوراق مندرجاته قارشو نه دیه چی متهمدن صورلدقده مقتولدن قان آدیفنی کورمسیه قاجدیفنی واکیجه سکر حال بولندیفنی سولیدی .

مدعی عمومیلک طرفندن بالاعطا قرائت ایتدیریلان شهود پوصله سنده اسماری محرر اولوب دعوت واقعه به اتیاناً ورود ایتدکلی خبر ویریلان شاهدلر یکن یکن حضور محکمه به چیقاریلرک لدی السؤل متهم ومقتوله قرابت ومناسبت وخصوصتلی اولمادینی اکلاشلدقدن واصلی وجهله امر تحلیفاری اجرا قلندقدن صوکره مواجهه استماع اولدقارنده بولردن بیزک آطه ده اقامته بربر دیمترینک دکانده چراقاق ایتدیکی سولیان اون سکر یاشنده طوزله لی قله آخی ولدیمتری وقعه کیجه سی فرونک اوکنده اوطورمقدملر ایکن متهم دیمترینک مقتول صوتیری به قاربوزه نه ایچون طوز آتدک بویه شقا اولز دهرک النی صوتیری به طوغری اوزاتمسیه صوتیرینک قاصیغنی طومش اولدینی حالد بی اوردی دیدیکی ومرقوم صوتیرینک بجاقلرندن قان آقغه باشلادیفنی کوردیکی مضبوط افاده سی وجهله اخبار ولدی السؤل دیمترینک صوتیری به النی اوزاندینی انشاده النده نه اولدیفنی کورمدیکی وشهادتی حاضر بولنان متهم دیمتری حقدنه ایدوکنی تذکار ایلیدی .

بیوک آطه ده اقامته آرکرونک فرونده طبله کار اولدیفنی بیان ایدن اوتوز یاشنده آستانه لی علقو ولد طومه متهم دیمترینک وقعه کیجه سی فرونک اوکنده قاربوز یمکده ایکن مقتول صوتیرینک مرقومک قاربوزینه طوز آتمی اوزرینه دیمترینک حدتله رک النده بولنان کوچک بجاقله صوتیرینک قاصیغندن جرح ایتدیکی کوردیکی مضبوط افاده سی وجهله یاد وشهادتی حاضر بولنان متهم حقدنه ایدوکنی ایراد ایلیدی .

بوشاهدلرک هر برینک شهادتی ختام بولدقچه نه دیه چی متهمدن صورلدقده دیه چی اولدیفنی سرد ایتدی .

شاهدلردن بیوک آطه ده سمیدجی آرکرونک فرونده اقامته قافله ای ایدن قسطمونیلی قره عثمان اوغلی قهرمان نام دیگر محمدک مملکتی اولان آراج قضاسنه کیتدیکی جلبنامه سی زیرنده محرر شرحدن اکلاشلدیفندن معاون مومی الهک طلی وجهله مرقومک آراج قضاسنک هانکی قریه سنده اولدینی کوسترلماش

اولدیفندن استنباه اصلویه افاده سنک ضبط ایتدیرلسی غیرقابل بولنغله افاده مضبوطه سنک قرائت ایتدیرلسنه متفقاً قرار ویریلرک اکلاشلدقدن صوکره مرقومک افاده محلفه مضبوطه سنک اوقوتدیرلیدنده وقعه کیجه سی مقتول صوتیرینک متهم دیمترینک قاربوزینه طوز آتمسندن طولانی دیمترینک حدتله رک بجاق ویاخود چاق بولنان النی صوتیری به طوغری صالادیفنی وصوتیرینک بصرده آمان دیدیکی ومرقوم صوتیرینک آباغندن قان آقغه بولندیفنی کوردیکی مین ایدوکی اکلاشلدی .

بوشاهدک افاده سنه نه دیه چی متهم دیمترینک صورلدقده دیه چی اولدیفنی سولیدی .

شاهدلردن کرقرور قهرمانیان اوغلی آرتینک یولنه مدینی جلبنامه سی زیرنده محرر شرحدن اکلاشلمش واستماع اولنان شاهدلردن علقو مرقوم آرتینک بک اوغلنده یکشهرده صوتیرینک یکی کشاد ایتدیکی فرونده طبله کارلق ایتدیکی سولیش اولدیفندن معاون مومی الهک طلیله مرقوم آرتین حقدنه تحری بوصله سی ویرلسی ضمننده محاکمه نک یوم آخره تعلیقنه متفقاً قرار ویریلرک طرفینه بالنفهم کانون اولک بکرمنجی یخشنه کونی متهم توقیفخانه دن کتوردیلرک معاون وکیل مومی الهیما حاضر اولدقاری حالد محاکمه علیه به دوامله هیئجه قضا تبدیل وقوعه منی ضبط سابق اوقوتدیریلرک طرفیندن مندرجانی تصدیق ایلیدی .

(بقیه سی کله جک نسخیه به)

نیقولاکینک علقوی ضرب ایلدیکی تبین ایتمکه ضارب دن برآتون آلتوب مضروبه ویرلسنه نسیمک ایجه سی سرق ایدن دیگر نسیمک اوچ ماه مدته حبسنه وختام مدت جزائی سنده ضابطه به کفالته ربطه

سوزینک قادینه ناموسه طوقور سوزسولیدکلی تبین ایدن بلدی چاوشی ابراهیم و دیگر ابراهیم افندیلردن یارمشر لیرا جزای نقدی آلمسنه

باطره یی ضرب ایتدیکی تبین ایدن رضادن بر آلتون آلتوب مضروبه به ویرلسنه

اجرای مأموریت خائنه بولنان پولیس صدق ومرأت افدیله حقات ایلدیکی تبین ایدن نیقولیدن برآتون جزای نقدی آلمسنه

خره لبونک اشیا سی سرق ایتدیکی ثابت اولان طاهرک النی ماه مدته حبسنه

برخانه به سرق قصصیه کیردیکی تبین ایدن اوشاق دیمترینک بدی ماه مدته حبسنه

یکال افندی به اخافه قصصیه شهر سلاح ایلدیکی تبین ایدن مانولک برهفته مدته حبسنه لوتینک مجمع ناس اولان محله حیوان قوشدیردینی ثابت اولدیفندن النی بشلک جزای نقدی آلمسنه مارقونک قسطنی نی ضرب وجرح ایلدیکی ثابت اولدیفندن برهفته مدته حبسنه بک اوغلی بدایت محکمه سی جزا دائره سنجه قرار ویرلشدر .

مُحاکمات ایتدیریلن

مرسین سنجانی تجارت محکمه سی اعضاسندن جبرائیل نجار افدینک وظیفه قانونیه سی سوء استعمال ایلدیکی حب واطنه ولایتلی عدلیه مفتشلکندن وارد اولان اوراق تحقیقه محتویاتندن اکلاشلمسنه منی مومی الهک بالعزل محاکمه آتته آلمسنه عدلیه نظارت جلبه سندن مأذونیت ویریلرک محله تبلیغات مقتضیه اجرا ایدلشدر .

اعلانات

انجمن اداره عدلیه

عدلیه نظارت جلبه سنجه ترتیب ایتدیریلان صک عدلی جزا قسمنک طبع وتمثیل وتجاییدی خصوصی مناقصه به وضع ایدلش اولوب شباطک یکریمی بشنجی بازار ایرتسی کونی موقتاً وفرداسی صالی کونی ده قطعاً احاله سی مقرر بولمش اولدیفندن صک مذکورک طبع وتجلیدینه ومحاسبه به عائد مقبوض قوچانلرینک طبعنه طالب اولانلرک انجمن اداره عدلیه به مراجعت ایلری اعلان اولنور .

درسمادت استیناف مدعی عمومیلک مأموریت بره سنده : اوچوز یکریمی اوچ سنه سی اغستوسنک اون ایکنجی یازار کونی بیوکدرده دره ایچنده نیقولینک میخانه سنده علقوی جرح ولیفوری جرح وقتل ایلدیکی ادعاسیه مظنون علیه اولوب محل مذکورده مقیم ایکن وقعه یی متعاقب فرار ایلتش اولان اوزون بویلی ، مدور آلینی ، اورتی برون وآغزلی ، قویو کستانه کوزلی ، سیاه صاج وقاشلی اون قفوز یکریمی یاشلرنده بالقی قیوطاغلی دیمکه عریف یورکینک اصول محاکات جزائی قانوننک مواد مخصوصه سی احکامنه توفیقاً جنایت محکمه سنده محاکمه سی اجرا قلنمق اوزره قانون جزانک یوز یمش دردنجی ماده سی موجبجه جنایتله اتهامه قرار ویرلیدکندن متهم

مرقومک هر زرده کوریلور ایسه طوتیلوب محکمه مذکورده توقیفخانه سنه تسلیعی لازم کله چکی بالجله ضابطه عدلیه مأمورلرینک معلومی اولقی اوزره اشبو اخذوکرفت مذکره سی درسمادت هیئت اتهامیه سندن بالتنظیم اعلان اولنور .

درسمادت منایب محکمه سنده :

محال متعدده ده وقوع بولان سرقندن طولانی متهم اولان ومقدما بلاطده کسمه قیاده آقارجه زقاغنده ۵ نومرو لی خانه ده اقامته اوزون چارسو جوارنده قوطیجیلرده حسنی اوستنه نک یاشنده قوطیجیلیک ایتمکه ایکن فرار ایدن اورتی بویلی ، آجیق آلینی ، الاکوزلی ، عادتا برون وآغزلی ، سیوری چکلی ، قرال قاش وصاجلی ، وصاری بیقلی ، بغدی بکزیلی یکریمی بش یاشنده آستانه لی تحسین بن یوسف دردست ایدیلهماش اولدیفندن تاریخندن اعتباراً جانب ریاستدن کندوسنه مجدداً اون کون مهل اعطا قلنمشدر مهل معین ظرفنده مرقوم محکمه به کلدیکی حالد قانونه اطاعت ایتماش نظریله باقیله رق حقوق مدنیهن اسقاط قلنجنی وعلینده دعوا به قیام اولنجنی ومحاکمه غایبه سی انشاده اموانک جزا آتته آلمجنی وبصرده برکونه ادعایه حق اولهمه جنی وبالجله ضابطه عدلیه مأمورلرینک کندوسنی طومغه مجبور بولندقاری کی معاملات جزیه حقدنه دخی مدعی عمومیلکه تبلیغات مقتضیه اجرا ایلدیکی جهته اصول محاکات جزائی قانوننک اوچوز یمش برنجی واوچوز یمش ایکنجی ماده لرندن استنباط اولنان احکامه توفیقاً اشبو قرارنامه بالتنظیم اعلان اولنور .

~~~~~

قصداً حریق ایقاع ایتمسندن طولانی مظنون اولوب غیباً جنایتله اتهام ایدلش اولان بک اوغلنده قالیونجی قوللغنده تکفور زقاغنده ۱ نومرو لی آپوستولیدی قافله نک آبارتاندن ۱ نومرو ده اقامته غلطه ده خراججی زقاغنده ۱ نومرو لی مغازده تریزلیک ایتمکه ایکن فرار ایدن اورتی بویلی ، سیاه صاج وقاشلی ، آز بیقلی ، قره کوزلی ، عادتا بکزیلی ، آجیق آلینی ، مناسب آغز ورونی یکریمی یدی یاشلرنده یونان دولتی تبعه سندن آفرود ولد دیمتری دردست اولهماش اولدیفندن قانونه اطاعتله محکمه به کلسی ایچون تاریخندن اعتباراً جانب ریاستدن مرقومه مجدداً اون کون مهل اعطا قلنمشدر مهل معین ظرفنده کلدیکی حالد قانونه اطاعت ایتماش نظریله باقیله رق حقوق مدنیهن اسقاط قلنجنی وعلینده دعوا به قیام اولنجنی ومحاکمه غایبه سی انشاده



اموالك حيز آلتنه آله جنی و بوسره ده بر كونه ادعايه حق اوله ميه جنی و بولنديني محلی بيلنلرك خبر ويرمه كه و بالمله ضابطه عدليه مأمورلرينك كندوسنی طومغه مجبور بولنديني كی معاملات حيزيه حقنده دخی مدعی عموميلكه تبليغات مقتضيه اجرا ايدلديكي جهته اصول محاکات جزائيه قانونك اوچيوز یتش برنجی و اوچيوز یتش ايكنجی ماده لرندن استنباط اولنان احكامه توفيقاً اشبو قرارنامه بالتنظيم اعلان اولنور .

محمدك قتلدن طولايي متهم بولنان علی و حامد و محمدك رفيق اولوب صاری يارده اقامت ايتكمده ايكن فرار ايدن اورته بولی ، صاريجه بيقلی ايلبسان سنجانك قوطورمان قريه سی اهالي سندن يكرمی سكر ياشنده عزيز در دست اولنه مامش اولديغندن قانونه اطاعتله محكمه يه كیسی ايچون تاريخدن اعتباراً جانب رياستدن مرقومه مجدداً اون كون مهل اعطا قلمشدر مهل معین ظرفنده كلديكي حالده قانونه اطاعت ايتماش نظريه باقیله رق حقوق مدنيه دن اسقاط قلنه جنی و عليمنده دعوايه قیام اولنه جنی و محاكمه غیابيه سی ائنده اموالک حيز آلتنه آله جنی و بوسره ده بر كونه ادعايه حق اوله ميه جنی و بولنديني محلی بيلنلرك خبر ويرمه كه و بالمله ضابطه عدليه مأمورلرينك كندوسنی طومغه مجبور بولنديني كی معاملات حيزيه حقنده دخی مدعی عموميلكه تبليغات مقتضيه اجرا ايدلديكي جهته اصول محاکات جزائيه قانونك اوچيوز یتش برنجی و اوچيوز یتش ايكنجی ماده لرندن استنباط اولنان احكامه توفيقاً اشبو قرارنامه بالتنظيم اعلان اولنور .

#### تجارت بحريه محكمه سنده

محمود پاشاده محمد پاشا خائنده ساكن ايكن تجارت بحريه محكمه سندن افلاسه حكم اولنش اولان اينجه آغوبيان برادرلرك خصوصات افلاسيه سنك رؤيت و تسويه سی ضمنده دعوی و كيللرندن ديران ارغانيان و طروس يازيحيان افنديلر اصالة سنديك تعين قلمش اولدقلرندن مفلس مرقوم ذمتنده آله جنی اولانلرك قانوننامه تجارتك ۱۹۹ و ۲۰۰ نجی ماده لری موجبجه تحقيق ديون ايچون تاريخ اعلاندن اعتباراً يكرمی بر كون ظرفنده سنداتی محكمه كاتبنه تسليم ايللری ومدت مذكوره ختامندن صوكره اوچ كونده يعني ۳۲۴ سنه سی مارتك يكرمی ايكنجی جمعه ايرتسی يكرمی دردنجی بازار ايرتسی ويكرمی بشنجی صالی كونلری تجارت بحريه محكمه سنك مصالح افلاسيه رؤيته مخصوص اوطنه سنه كلهرك سنديك افنديلر مواجهه سنده آله جقلرينی اثبات وقيد و تصديق ايتديرملری ومدت مذكوره ده اثبات وجود ايده میان آله جقلولر حقنده

قانون مذكورك ۲۱۰ نجی ماده سنه توفيقاً ايفای معامله اولنه جنی اعلان اولنور .

#### اعوامات شرعيه اجرا دائره سنده :

مرحوم عثمان نوری پاشا ورثه سنك عزتلو عبد الكريم بك ذمتنده با اعلام شرعی آله جقلری اولان مبالغ معلومه نك تأمین استيفاسی ضمنده مديون مومی اليك عهده سنده اولوب مرهون و فروختی محكوم بولنان اسكداره تابع بلغورلی قريه سنده صاری غازی جاده سنده واقع ۴۳ نومروايه مرقم حضرت هدايی عزيز محمود افندی وقفنه مقاطعه لو بالمله ابنیه واشجاری ملك مع باغچه بر باب منزك اشبو تاريخ اعلان اعتباراً اون بش كون صوكره بالمزايدة فروخته تشبث اولنه جغندن طالب اولوب پی سورمك و اطرافيله معلومات آلق ايسستينلرك درسعات اعلامات شرعيه اجرا دائره سنه مراجعت ايللری اعلان اولنور .

#### درسعات اعلامات نظاميه اجرا دائره سنده :

سعادتو مصطفى بك افندی حضر تلرينك عزتو سليمان بك ذمتنده آله جنی اولان مبالغك تأمین تسويه سی ايچون مديون مومی اليك انتقالاً متصرف اولديني روم ايلي حصارنده علی پرتك محله سنده حصار جاده سنده تخمیناً طقسان التي آرشون عرصه اوزرينه مبنی فوقنده براوطه و برصفه یی حاوی یتش غروش ايجار كتورير ۴۸ نومرولی بلاكدك وقف بر باب قلايجی دكاني سدس حصه سيله تخمیناً يوز التمش بش آرشون عرصه اوزرينه مبنی فوقنده ايکی اوطنه و برصفه و برمطبخ و يوز سکسان غروش ايجار كتورير ۵۰ نومرولی مقدما فرون اليوم کراسته جی دكاني و تخمیناً التمش اوچ آرشون عرصه اوزرينه مبنی فوقنده ايکی اوطنه و برصفه و ايکی يوز غروش ايجار كتورير مکرر ۵۰ نومرولی بقال دكاني و تخمیناً الی آرشون عرصه اوزرينه مبنی فوقنده براوطه و برصفه یی حاوی شهری ايکی يوز يكرمی بش غروش ايجار كتورير مکرر ۵۰ نومرولی قصاب دكاني كه جمعاً اوچ باب دكان ملكلری و درونلرنده مستقر بر عدد صرف ملك کراسته جی كدکی مجموعنك ايکی بيك سكر يوز سکسان سهم اعتباريله التي يوز یتش ايکيشر سهملریله غلظه ده يوكسك قالدیر مده شاه قولی محله سنده قبودرونی زقاغنده تخمیناً الی درت آرشوب عرصه اوزرينه مبنی درت قاتدن عبارت التي اوطنه و برمطبخ و برقيو و برصهرنجی حاوی ۱ نومرولی و تخمیناً یتش ايکی آرشون عرصه اوزرينه مبنی درت قاتدن عبارت التي اوطنه و برصهرنج و برمطبخی حاوی اوچ و تخمیناً

سکسان یدی بچق آرشون عرصه اوزرينه مبنی درت درت قاتدن عبارت التي اوطنه و برمطبخ و برصهرنجی حاوی ۵ نومرولی خانه لرله تخمیناً يكرمی بش آرشون محترق ۴ نومرولی خانه نك طقوز حصه اعتباريله بر بچق سهم حصه لرینه تاريخ اعلاندن اعتباراً اون بش كون صوكره بالمزايدة فروخته تشبث اولنه جنی درسعات اعلامات نظاميه اجرا دائره سندن اعلان اولنور .

#### اسكدار بدایت محكمه سی اجرا دائره سنده

فسجی اصنافندن احمد اغانك ساعتجی ادهم اغا ذمتنده اسكدار بدایت محكمه سی حقوق دائره سندن لاحق اولان اعلام موجبجه محكوم به آله جنی بولنان مبالغ معلومه نك تأمین استيفاسی ضمنده مديون مرقومك عهده تصرفنده اولوب اسكدارده كفيجه دده محله سنده قره جه احمد جاده سنده ۳۶ نومروايه مرقم سکسان غروش ايجاره متحمل بولنان معلوم الحدود تخمیناً قرق ذراع عرصه اوزرينه مبنی کارگیر بر باب ساعتجی دكانك تاريخ اعلاندن اعتباراً اون بش كون صوكره بالمزايدة فروخته تشبث اولنه جنی اسكدار بدایت محكمه سی اجرا دائره سندن اعلان اولنور .

#### قيصريه بدایت محكمه سنده :

قيصريه بدایت محكمه سی تجارت قسمندن افلاسلرينه حكم اولنش اولان پولیچه جی مينجی آواقيان حاجی آغوب و شریکی اوخانيان حاجينك خصوصات افلاسيه لرینك رؤيت و تسويه سی ضمنده تجاردن مذکیان طاطيوس و يالليان ابراهام افنديلر اصالة سنديك تعين قلمش اولدقلرندن مفلس مرقوم ذمتنده آله جنی اولانلرك قانوننامه تجارتك ۱۹۹ و ۲۰۰ نجی ماده لری موجبجه تحقيق ديون ايچون تاريخ اعلاندن اعتباراً يكرمی بر كون ظرفنده سنداتی محكمه كاتبنه تسليم ايللری ومدت مذكوره ختامندن صوكره يعني ۳۲۳ سنه سی شباطنك يكرمی بشنجی بازار ايرتسی يكرمی التنجی صالی ويكرمی يدنجی چهارشنبه كونلری محكمه مذكوره نك مصالح افلاسيه رؤيته مخصوص اوطنه سنه كلهرك سنديك افنديلر مواجهه سنده آله جقلرينی اثبات وقيد و تصديق ايتديرملری ومدت مذكوره ده اثبات وجود ايده میان آله جقلولر حقنده قانون مذكورك ۲۱۰ نجی ماده سنه توفيقاً ايفای معامله اولنه جنی اعلان اولنور .